

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-02-15297-1/14.
Zenica, 31.07.2014. godine

Z A P I S N I K

sa 175. sjednice Vlade Zeničko-dobojskog kantona održane 31.07.2014. godine

Sjednica je održana u sali 109, prvi sprat u zgradi Kantona, dana 31.07.2014. godine u trajanju od 10¹⁰ do 11¹⁰ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Bojan Bošnjak, ministar Ministarstva za poljoprivredu, šumarstvo i vodoprivredu, sjednici se priključio u 10²⁵ sati;
2. Ivica Ćurić, ministar Ministarstva za rad, socijalnu politiku i izbjeglice,
3. Rifat Delić, ministar Ministarstva unutrašnjih poslova,
4. Mirko Trifunović, ministar Ministarstva za obrazovanje, nauku, kulturu i sport,
5. Senka Balorda, ministrica Ministarstva zdravstva,
6. Sabina Heljić, ministrica Ministarstva finansija,
7. Edin Terzić, ministar Ministarstva za prostorno uređenje, promet i komunikacije i zaštitu okoline,

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Ivica Mandura, savjetnik Premijera,
4. Džemaludin Ramić, savjetnik Premijera,
5. Azra Smailbegović-Đ., zapisničar.

U svojstvu izvjestioca sjednici je prisustvovala:

1. Ljiljana Anđelić, sekretar Ministarstva privrede.

Premijer je stavio na diskusiju predloženi

D N E V N I R E D :

1. Verifikacija Zapisnika sa 173. sjednice Vlade Zeničko-dobojskog kantona, održane dana 17.07.2014. godine;
2. Verifikacija Zapisnika sa 29. vanredne sjednice Vlade, održane 07.07.2014. godine;
3. Verifikacija Zapisnika sa 30. vanredne sjednice Vlade, održane 29.07.2014. godine;
4. Prijedlog Uredbe o izmjeni Uredbe o plaćama, naknadama i drugim materijalnim primanjima policijskih službenika ZDK;
5. Izvještaj o realizaciji Programa kapitalnih ulaganja Ministarstva unutrašnjih poslova za 2014. godinu, za period I-VI mjesec, sa Zaključkom o usvajanju

Izjavitelac: Rifat Delić, ministar

6. Prijedlog Zaključka o davanju saglasnosti na projekat Općine Zenica “Stambeno zbrinjavanje porodica naselja Topčić Polje čiji su stambeni objekti oštećeni i zatrpani riječnim nanosima i poplavama”;
7. Prijedlog Odluke o odobravanju novčanih sredstava Udruženju Humanost u svrhu implementacije projekta “Centar za rano podsticanje razvoja i ranu intervenciju za djecu sa posebnim potrebama” u Zenici za period juli-decembar 2014. godine;
8. Prijedlog Zaključka o odobravanju sredstava MZ Žabljak Općina Usora u svrhu pomoći za organizaciju 18. Dječijeg glazbenog festival “Mladost protiv ovisnosti”;
Izvestilac: Ivica Ćurić, ministar
9. Prijedlog Odluke o utvrđivanju konačne liste kandidata za upražnjene pozicije predsjednika i članova Odbora za reviziju JP “ŠPD ZDK” d.o.o. Zavodovići;
Izvestilac: Bojan Bošnjak, ministar
10. Prijedlog Odluke o utvrđivanju srednjih tržišnih cijena mineralnih resursa u 2014.godini;
Izvestilac: Muhamed Husić, ministar
11. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec juli 2014. godine;
Izvestilac: Sabina Heljić, ministrica
12. Prijedlog Odluke o uvećanju sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za obrazovanje, nauku, kulturu i sport – JU Prva osnovna škola Maglaj;
13. Prijedlog Zaključka o odobravanju sredstava Udruženju “Informatičke olimpijade u Bosni i Hercegovini” u svrhu odlaska Ahmetspahić Jana na Balkansku informatičku olimpijadu;
Izvestilac: Mirko Trifunović, ministar
14. Prijedlog Odluke o odobravanju sredstava za refundaciju troškova finansiranja nabavke opreme u Kantonalnoj bolnici Zenica;
15. Prijedlog Zaključka o davanju saglasnosti na tekst Prijedloga Protokola o dopunama Protokola o vođenju pregovora radi zaključivanja Kolektivnog ugovora o izmjenama i dopunama Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine;
Izvestilac: Senka Balorda, ministrica
16. Upoznavanje članova Vlade sa aktima;
 - Pismo Udruženja taksista Zeničko-dobojskog kantona o inicijativi za izmjenu Odluke o organizaciji i načinu obavljanja taksi prevoza putnika
 - Zahtjev Načelnika Općine Maglaj za dostavu kriterija za pripremu projekata obnove infrastrukture i pomoći stanovništvu pogođenom poplavama i klizištima, broj: 01-49-1258/14 od 21.07.2014. godine;

Ministrica Ministarstva finansija predložila je dopunsku tačku za upoznavanje:

1. Informacija o stupanju na snagu Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom.

Diskutovali su Premijer Zeničko-dobojskog kantona i Ministar Ministarstva za prostorno uređenje, promet i komunikacije i zaštitu okoline.

Članovi Vlade su se složili sa predloženom dopunom te je za sjednicu jednoglasno usvojen slijedeći

DNEVNI RED :

1. Verifikacija Zapisnika sa 173. sjednice Vlade Zeničko-dobojskog kantona, održane dana 17.07.2014. godine;
2. Verifikacija Zapisnika sa 29. vanredne sjednice Vlade, održane 07.07.2014. godine;
3. Verifikacija Zapisnika sa 30. vanredne sjednice Vlade, održane 29.07.2014. godine;
4. Prijedlog Uredbe o izmjeni Uredbe o plaćama, naknadama i drugim materijalnim primanjima policijskih službenika ZDK;
5. Izvještaj o realizaciji Programa kapitalnih ulaganja Ministarstva unutrašnjih poslova za 2014. godinu, za period I-VI mjesec, sa Zaključkom o usvajanju
Izvjestilac: Rifat Delić, ministar
6. Prijedlog Zaključka o davanju saglasnosti na projekat Općine Zenica "Stambeno zbrinjavanje porodica naselja Topčić Polje čiji su stambeni objekti oštećeni i zatrpani riječnim nanosima i poplavama";
7. Prijedlog Odluke o odobravanju novčanih sredstava Udruženju Humanost u svrhu implementacije projekta "Centar za rano podsticanje razvoja i ranu intervenciju za djecu sa posebnim potrebama" u Zenici za period juli-decembar 2014. godine;
8. Prijedlog Zaključka o odobravanju sredstava MZ Žabljak Općina Usora u svrhu pomoći za organizaciju 18. Dječijeg glazbenog festival "Mladost protiv ovisnosti";
Izvjestilac: Ivica Ćurić, ministar
9. Prijedlog Odluke o utvrđivanju konačne liste kandidata za upražnjene pozicije predsjednika i članova Odbora za reviziju JP "ŠPD ZDK" d.o.o. Zavodovići;
Izvjestilac: Bojan Bošnjak, ministar
10. Prijedlog Odluke o utvrđivanju srednjih tržišnih cijena mineralnih resursa u 2014. godini;
Izvjestilac: Muhamed Husić, ministar
11. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec juli 2014. godine;
Izvjestilac: Sabina Heljić, ministrica
12. Prijedlog Odluke o uvećanju sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za obrazovanje, nauku, kulturu i sport – JU Prva osnovna škola Maglaj;
13. Prijedlog Zaključka o odobravanju sredstava Udruženju "Informatičke olimpijade u Bosni i Hercegovini" u svrhu odlaska Ahmetspahić Jana na Balkansku informatičku olimpijadu;
Izvjestilac: Mirko Trifunović, ministar
14. Prijedlog Odluke o odobravanju sredstava za refundaciju troškova finansiranja nabavke opreme u Kantonalnoj bolnici Zenica;
15. Prijedlog Zaključka o davanju saglasnosti na tekst Prijedloga Protokola o dopunama Protokola o vođenju pregovora radi zaključivanja Kolektivnog ugovora o izmjenama i dopunama Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine;
Izvjestilac: Senka Balorda, ministrica
16. Upoznavanje članova Vlade sa aktima;
 - Pismo Udruženja taksista Zeničko-dobojskog kantona o inicijativi za izmjenu Odluke o organizaciji i načinu obavljanja taksi prevoza putnika

- Zahtjev Načelnika Općine Maglaj za dostavu kriterija za pripremu projekata obnove infrastrukture i pomoći stanovništvu pogođenom poplavama i klizištima, broj: 01-49-1258/14 od 21.07.2014. godine;
- Informacija o stupanju na snagu Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom.

Prva tačka dnevnog reda

Vlada je jednoglasno usvojila Zapisnik sa 173. sjednice Vlade Zeničko-dobojskog kantona, održane dana 17.07.2014. godine.

Druga tačka dnevnog reda

Vlada je jednoglasno usvojila Zapisnik sa 29. vanredne sjednice Vlade Zeničko-dobojskog kantona, održane dana 07.07.2014. godine.

Treća tačka dnevnog reda

Vlada je jednoglasno usvojila Zapisnik sa 30. vanredne sjednice Vlade Zeničko-dobojskog kantona, održane dana 29.07.2014. godine.

Četvrta tačka dnevnog reda

Obrazloženje za ovu tačku dnevnog reda dao je Ministar Ministarstva unutrašnjih poslova. Diskutovao je Premijer Zeničko-dobojskog kantona.

Vlada je jednoglasno donijela Uredbu o izmjeni Uredbe o plaćama, naknadama i drugim materijalnim pravima policijskih službenika Zeničko-dobojskog kantona

Član 1.

(Naknada za prevoz na posao i s posla)

Član 10. Uredbe o plaćama, naknadama i drugim materijalnim pravima policijskih službenika Zeničko-dobojskog kantona ("Službene novine Zeničko-dobojskog kantona", broj 3/08, 10/09, 13/09, 2/10, 7/10, 3/12, 12/12 14/12, u daljem tekstu: Uredba), mijenja se i glasi:

(1) Policijskom službeniku, kome nije organizovan prevoz na posao i s posla, a koristi javni prevoz, a čije je mjesto stanovanja udaljeno od mjesta rada, najmanje 5 (slovima: pet) kilometara a najviše 120 (slovima: stodvadeset) kilometara, pripada naknada za troškove prevoza na posao i s posla u visini mjesečne karte za troškove prevoza u gradskom, prigradskom odnosno, međugradskom saobraćaju, koja se utvrđuje na osnovu priloženih dokaza izdatih od prevozničke kuće.

(2) Pravo na naknadu troškova prevoza, ostvaruje se na osnovu pismenog zahtjeva policijskog službenika u kojem se navodi adresa stvarnog stanovanja i mjesto rada i činjenica, da i kako svakodnevno putuje od mjesta stanovanja do mjesta rada.

(3) Policijski službenik koji podnosi prvi put zahtjev za naknadu troškova prevoza uz zahtjev prilaže: mjesečnu kartu odnosno, fakturu na ime korisnika prevoza sa fiskalnim računom, kao dokaz da je platio mjesečnu kartu, CIPS dokument kao dokaz mjesta prebivališta odnosno boravišta i izjavu policijskog službenika datu pod punom materijalnom i krivičnom odgovornošću, da svakodnevno putuje na posao i s posla iz mjesta stvarnog stanovanja (prebivališta/boravišta).

(4) Policijskom službeniku koji za potrebe prevoza dolaska na posao i povratka s posla, a čije je mjesto stanovanja udaljeno od mjesta rada, najmanje 5 (slovima: pet) kilometara, a najviše 120 (slovima: stodvadeset) kilometara, koristi privatno vozilo, pripada pravo na naknadu troškova prevoza u visini 50% cijene mjesečne karte koja se plaća na relaciji kojom putuje. Cijena mjesečne karte se utvrđuje na osnovu podataka pribavljenih od strane Službe za zajedničke poslove na osnovu zahtjeva ministra Ministarstva, CIPS dokumenta, kao i izjave date pod punom materijalnom i

krivičnom odgovornošću, da svakodnevno putuje na posao i s posla iz mjesta stvarnog stanovanja (prebivališta/boravišta).

(5) Naknadu troškova prevoza rješenjem odobrava ministar Ministarstva unutrašnjih poslova na osnovu zahtjeva policijskog službenika i dokumentacije iz stava (3) i (4) ovog člana.

(6) Rješenje o utvrđivanju prava na naknadu troškova prevoza mijenja se, ako se promijene činjenice vezane za ostvarivanje prava naknade troškova prevoza.

(7) Kada ministar Ministarstva donese rješenje o utvrđivanju naknade troškova prevoza, rješenje, zajedno sa navedenom dokumentacijom se službeno dostavlja Ministarstvu finansija - COP, radi refundiranja troškova prevoza. Refundiranje troškova prevoza vršit će se u tekućem mjesecu za protekli mjesec.

(8) Zloupotreba korištenja naknade iz ovog člana smatra se materijalnom štetom i podliježe obavezi odgovornosti za tu štetu u skladu sa zakonom.

Član 2.

(Stupanje na snagu)

Uredba stupa na snagu danom donošenja, a primjenjivat će se počev od 01.09.2014.godine.

Član 3.

(Objavljivanje)

Uredba će se objaviti u "Službenim novinama Zeničko-dobojskog kantona".

Peta tačka dnevnog reda

Obrazloženje za ovu tačku dnevnog reda dao je Ministar Ministarstva unutrašnjih poslova. U diskusiji su učestvovali: Premijer Zeničko-dobojskog kantona, Ministrica Ministarstva finansija.

Vlada je jednoglasno donijela Zaključak kojim se usvaja Izvještaj o realizaciji Programa utroška sredstava pod nazivom "Program kapitalnih ulaganja Ministarstva unutrašnjih poslova za 2014.godinu" za period I-VI 2014. godine.

Zaključak stupa na snagu danom donošenja.

Šesta tačka dnevnog reda

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

U diskusiji su učestvovali: Premijer Zeničko-dobojskog kantona, Ministrica Ministarstva finansija, Ministar Ministarstva za poljoprivredu, šumarstvo i vodoprivredu, Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se daje saglasnost na projekat Općine Zenica „Stambeno zbrinjavanje porodica naselja Topčić Polje čiji su stambeni objekti oštećeni i zatrpani riječnim nanosima i poplavama“.

Ovlašćuje se ministar Ministarstva za rad, socijalnu politiku i izbjeglice da u ime Vlade Zeničko-dobojskog kantona potpiše Protokol o učešću u realizaciji Projekta iz tačke I ovog zaključka.

Za realizaciju ukupnih aktivnosti iz Projekta zadužuje se Ministarstvo za rad, socijalnu politiku i izbjeglice i Općina Zenica, svako u okviru svojih nadležnosti.

Vlada Zeničko-dobojskog kantona će odlučiti posebnom odlukom o odobravanju sredstava u iznosu od 80.000,00 KM za sufinansiranje realizacije Projekta iz tačke I ovog zaključka.

Zaključak stupa na snagu danom donošenja.

Sedma tačka dnevnog reda

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

Vlada je jednoglasno donijela Odluku o odobravanju sredstava udruženju „Humanost – societas humanitatis“ Zenica za nastavak implementacije projekta „Centar za rano podsticanje razvoja i ranu intervenciju za djecu sa posebnim potrebama“ u Zenici

Član 1.

(Predmet)

Odobravaju se sredstva Udruženju „Humanost-societas humanitatis“ Zenica, kao implementatoru projekta: „Centar za rano podsticanje razvoja i ranu intervenciju za djecu sa posebnim potrebama“ u Zenici, na koji je Vlada Kantona dala saglasnost Zaključkom broj: 02-35-18250/09 od 09.07.2009. godine, u ukupnom iznosu od 79.000,00 KM (slovima: sedamdesetdevet hiljada konvertibilnih maraka) kao učešće Vlade Zeničko-dobojskog kantona u nastavku implementacije projekta „Centar za rano podsticanje razvoja i ranu intervenciju za djecu sa posebnim potrebama“ u Zenici, za period juli – decembar 2014. godine.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13), razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

Član 3.

(Uplata sredstava)

Odobrena sredstva iz člana 1. ove odluke će biti uplaćivana u mjesečnim iznosima od 13.166,67 KM (slovima: trinaest hiljadastotinušezdesetšest konvertibilnih maraka i 67/100 pfeninga) na račun Udruženja broj: 1610550012510025 otvoren kod Raiffeisen banke Zenica.

Član 4.

(Provođenje odluke)

Zadužuju se Ministarstvo za rad, socijalnu politiku i izbjeglice i Ministarstvo finansija, da u skladu sa zakonom i podzakonskim aktima realizuju ovu odluku, svako u okviru svojih nadležnosti.

Član 5.

(Izvrještavanje)

Udruženje „Humanost – societas humanitatis“ je dužno Ministarstvu za rad, socijalnu politiku i izbjeglice tromjesečno dostaviti izvještaj o namjenskom utrošku sredstava.

Član 6.

(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona“.

Osma tačka dnevnog reda

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se odobravaju sredstva Mjesnoj zajednici Žabljak, općina Usora, u iznosu od 1.000,00 KM (slovima: hiljadu konvertibilnih maraka), kao pomoć od značaja za organizaciju 18. Dječijeg glazbenog festivala „Mladost protiv ovisnosti“.

(1) Sredstva iz tačke I. ovog zaključka isplatiće se iz Budžeta Zeničko-dobojskog kantona za 2014. godinu («Službene novine Zeničko-dobojskog kantona», broj: 15/13) razdjel 20,

organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

(2) Sredstva će biti uplaćena na žiro račun Mjesnoj zajednici Žabljak, općina Usora, na račun broj: 101 161 005 772 6161, otvoren kod Privredne banke Sarajevo d.d. filijala Usora.

Zadužuje se Mjesna zajednica Žabljak da Ministarstvu za rad, socijalnu politiku i izbjeglice podnese izvještaj o namjenskom utrošku sredstava iz tačke I. ovog zaključka.

Zadužuju se Ministarstvo za rad, socijalnu politiku i izbjeglice, Ministarstvo finansija i Mjesna zajednica Žabljak da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona i Sekretar Vlade.

Vlada je jednoglasno donijela Odluku o utvrđivanju konačne liste kandidata za upražnjene pozicije predsjednika i članova Odbora za reviziju JP „ŠPD ZDK“ d.o.o. Zavidovići

Član 1.

(Predmet)

Utvrđuje se konačna lista kandidata za upražnjene pozicije predsjednika i članova Odbora za reviziju JP „Šumsko-privrednog društva Zeničko-dobojskog kantona“ d.o.o. Zavidovići, kako slijedi:

1. Kaknjo-Sinanović Mersiha - predsjednik,
2. Kovač Emir - član,
3. Bajramović Elvira - član.

Član 2.

(Provođenje Odluke)

U skladu sa članom 1. ove Odluke Vlada Zeničko-dobojskog kantona prijedlog Odluke će proslijediti Skupštini JP „ŠPD ZDK“ d.o.o. Zavidovići, na konačno imenovanje.

Član 3.

(Stupanje na snagu)

Odluka stupa na snagu da danom donošenja.

11. tačka dnevnog reda

Vlada je jednoglasno donijela Odluku o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec juli 2014. godine

Član 1.

(Predmet Odluke)

Ovom Odlukom odobrava se isplata sredstava u iznosu od 32.833,33 KM (slovima: tridesetdvijehiljadeosamstotinatridesettri/33 konvertibilnih maraka) za političke stranke i klubove poslanika političkih stranaka zastupljene u Skupštini Zeničko-dobojskog kantona, za mjesec juli 2014. godine.

Član 2.

(Raspored sredstava)

Sredstva iz člana 1. Ove Odluke raspoređuju se na način da se:

- 30% sredstava dijeli jednako svim političkim strankama, odnosno klubovima poslanika političkih stranaka koje su osvojile mandate u Skupštini Zeničko-dobojskog kantona,
- 60% sredstava dijeli prema broju poslaničkih mandata koje svaka politička stranka zastupljena u Skupštini Kantona, ima u trenutku dodjele mandata,
- 10% od ukupnog iznosa raspoređuje se klubovima poslanika srazmjerno broju poslaničkih mjesta koja pripadaju manje zastupljenom spolu.

Član 3.

(Trenutak raspodjele)

Kao trenutak raspodjele sredstava iz člana 2. ove Odluke smatra se dan donošenja Odluke Vlade Kantona o raspodjeli istih.

Član 4.

(Budžetska organizacija i ekonomski kod)

Isplata sredstava iz člana 1. ove odluke će se izvršiti na osnovu Zakona o izvršavanju budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13), sa razdjela 10, budžetska organizacija 01, potrošačka jedinica 0001-Skupština Kantona, ekonomski kod 614300, Pozicija „Tekući transfer za finansiranje političkih stranaka, koalicija političkih stranaka i nezavisnih poslanika.“

Član 5.

(Realizacija Odluke)

Za realizaciju ove odluke zadužuju se Ministarstvo finansija Zeničko-dobojskog kantona i Stručna služba Skupštine Zeničko-dobojskog kantona, svako u okviru svoje nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

12. tačka dnevnog reda

Obrazloženje za ovu tačku dnevnog reda dao je Ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2014. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13) za budžetskog korisnika iz nadležnosti Ministarstva za obrazovanje, nauku, kulturu i sport – JU Prva osnovna škola Maglaj.

(2) Uvećanje sredstava u Budžetu Zeničko-dobojskog kantona za 2014.godinu, vrši se na slijedeći način:

- a) na razdjelu 22, budžetska organizacija 02, potrošačka jedinica 0015 – JU Prva osnovna škola Maglaj, sredstva na poziciji 613700 – Izdaci za tekuće održavanje, Plan izdaci iz donacija 2014. godina, uvećavaju se za 1.369,08 KM;
- b) u Budžetu Zeničko-dobojskog kantona za 2014. godinu u dijelu A. PRIHODI u koloni Plan 2014. godina, sredstva na poziciji 722751 – Primljene namjenske donacije neplanirane u budžetu, uvećavaju se za 1.369,08 KM.

Član 2.

(Namjena korištenja sredstava i izvještavanje)

(1) Uplaćena donatorska sredstva od strane Nevladino udruženje DJECA TIVTA-Tivat-Montenegro, škola će utrošiti za nabavku neophodnog materijala za rekonstrukciju podova u Područnoj školi Ravna.

(2) Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Član 3.

(Realizacija odluke)

Za realizaciju ove Odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja, i bit će objavljena u „Službenim novinama Zeničko-dobojskog kantona”.

13. tačka dnevnog reda

Obrazloženje za ovu tačku dnevnog reda dao je Ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se odobravaju sredstva Udruženju „Informatičke olimpijade u Bosni i Hercegovini“ u iznosu od 900,00 KM (slovima: devetstotina konvertibilnih maraka) na ime pokrivanja troškova odlaska Jana Ahmetpahića iz Zenice na Balkansku informatičku olimpijadu.

Sredstva iz tačke I. ovog zaključka isplatit će se iz Budžeta Kantona za 2014. godinu, razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 204, pozicija „Tekući transfer za naučno-istraživačku djelatnost“.

Sredstva uplatiti na račun: Raiffeisen Bank d.d BiH, Sarajevo, 161-000-0067610078, sa naznakom: „Za Balkansku olimpijadu iz informatike, 2014“.

Zadužuju se Ministarstvo za obrazovanje, nauku, kulturu i sport i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

Korisnik sredstava dužan je dostaviti izvještaj o namjenskom utrošku sredstava resornom ministarstvu najkasnije tri mjeseca po primitku sredstava.

Zaključak stupa na snagu danom donošenja.

14. tačka dnevnog reda

Obrazloženje za ovu tačku dnevnog reda dala je Ministrica Ministarstva zdravstva.

Vlada je jednoglasno donijela Odluku o odobravanju sredstava za refundaciju troškova finansiranja nabavke opreme u JU Kantonalna bolnica Zenica

Član 1.

(Predmet)

Odobravaju se sredstva JU Kantonalna bolnica Zenica u ukupnom iznosu od 50.000,00 KM (slovima: pedesethiljada konvertibilnih maraka) za refundaciju troškova finansiranja nabavljene opreme od firme “Siemens”d.o.o. Sarajevo po ranije zaključenom Ugovoru o prodaji i instalaciji sistema Magnetom Avanto Tim 1,5T i sistema CT Somatom Definition AS40 kao i sufinansiranje troškova pripreme prostora za smještaj opreme broj: 20/1-1296 od 19.03.2009. godine

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2014. godinu (“Službene novine Zeničko-dobojskog kantona”, broj: 15/13) sa razdjela 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija “Kapitalni transferi drugim nivoima vlasti-za zdravstvo”.

Član 3.

(Provođenje Odluke)

Za provođenje ove odluke zadužuju se Ministarstvo zdravstva i Ministarstvo finansija, svako u okviru svoje nadležnosti.

Član 4.

(Izvještavanje)

JU Kantonalna bolnica Zenica dužna je izvjestiti Ministarstvo zdravstva o namjenskom utrošku sredstava.

Član 5.

(Stupanje na snagu)

Odluka stupa na snagu danom donošenja i bit će objavljena u «Službenim novinama Zeničko-dobojskog kantona».

15. tačka dnevnog reda

Obrazloženje za ovu tačku dnevnog reda dala je Ministrica Ministarstva zdravstva.

U diskusiji su učestvovali: Premijer Zeničko-dobojskog kantona, Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se daje saglasnost na tekst Prijedloga Protokola o dopunama Protokola o vođenju pregovora radi zaključivanja Kolektivnog ugovora o izmjenama i dopunama Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine.

Zaključak stupa na snagu danom donošenja.

10. tačka dnevnog reda

Obrazloženje za ovu tačku dnevnog reda dala je Ljiljana Anđelić sekretar Ministarstva za privredu. Diskutovao je Premijer Zeničko-dobojskog kantona.

Vlada je jednoglasno donijela Odluku o utvrđivanju srednjih tržišnih cijena mineralnih resursa u 2014. godini

Član 1.

(Predmet)

Utvrđuju se srednje tržišne cijene (STC) za izračunavanje minimalne visine godišnje/tekuće koncesione naknade za istraživanje i eksploataciju mineralnih resursa u 2014. godini:

-(STC) krečnjaci (bez PDV-a)16,17 KM/m³ r.m.

-(STC) spiliti (bez PDV-a).....78,78 KM/m³ r.m.

-(STC) dijabazi (magmati)(bez PDV-a).....52,84 KM/m³ r.m.

Član 2.

(Zaduženja)

Za realizaciju ove Odluke zadužuju se Ministarstvo za privredu Zeničko-dobojskog kantona.

Član 3.

(Stupanje na snagu)

Odluka stupa na snagu danom donošenja, i bit će objavljena u „Službenim novinama Zeničko-dobojskog kantona”.

16. tačka dnevnog reda

Dostavom materijala pod ovom tačkom dnevnog reda članovi Vlade su upoznati sa istim.

Diskutovali su: Premijer Zeničko-dobojskog kantona, Ministrica Ministarstva finansija, Ministar Ministarstva za poljoprivredu, šumarstvo i vodoprivredu, Ministar Ministarstva za obrazovanje, nauku, kulturu i sport, Ministar Ministarstva za rad, socijalnu politiku i izbjeglice, Sekretar Sekretarijata za zakonodavstvo.

Premijer je zaključio sjednicu u 11¹⁰ sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Azra Smailbegović-Đ.